

落帆樓文集

落帆樓文集卷二十三

烏程沈 堯敦三

外集十七

地道記十

貴州

貴陽府 巡撫及布政使司治 東西距一百五十里
南北距二百七十里東南至都勻府獨山州治三百五
十里東北至平越州湄潭縣治四百六十里西北至大
定府黔西州治一百九十里西南至安順府歸化廳治
二百三十里南少西至廣西泗城府凌雲縣治七百里
領廳一州三縣四

貴筑 郭下

龍里 府東少南五十里東南至都勻府都勻縣治一百八十里東南至獨山州治三百里東南至廣西南丹土州治五百六十里東南至那地土州治五百六十里南至東蘭土州同治七百里西南至泗城府凌雲縣治七百里西南至長寨廳治二百七十里西至安順府清鎮縣治一百二十里北少西至開州治一百三十里

貴定 府東一百一十里北至遵義府遵義縣治二百四十里東北至平越州甕安縣治一百五十里東北至平越州治八十里東北至都勻府清平縣治一

百六十里東至麻哈州治一百里東南至都勻縣治
一百三十里東南至獨山州治二百五十里東南至
廣西慶遠府南丹土州治五百里南少東至那地土
州治五百三十里西南至東蘭土州同七百里西南
至長寨廳治三百三十里西南至龍里縣治六十里
修文 府北少西五十里東北至開州治八十五里
東北至遵義府桐梓縣治二百八十里西北至仁懷
縣治五百三十里西北至大定府黔西州治一百四
十里西少南至平遠州治一百八十里南少西至安
順府清鎮縣治八十里西南至安平縣治一百三十
里東至平越州治一百里

開州 府北少東一百二十里東南至貴定縣治一百三十里東南至平越州治一百七十里東至甕安縣治一百四十里東北至湄潭縣治三百二十里東北至遵義府遵義縣治一百六十里北少東至桐梓縣治一百里西北至仁懷縣治五百四十里西至大定府黔西州治一百六十里

定番州 府南少西一百里東北至龍里縣治一百二十里東至都勻府都勻縣治二百六十里東南至獨山州治三百四十里東南至荔波縣治四百二十里東南至廣西慶遠府南丹土州治五百八十里東南至那地土州治五百七十里西南至安順府歸化

廳治一百九十里西北至安平縣治一百四十里北
少西至清鎮縣治一百二十里

廣順州 府西南一百十里東少南至定番州治八
十里南至廣西泗城府凌雲縣治六百二十里西南
至安順府歸化廳治一百二十里西至鎮寧州治一
百四十里西少北至普定縣治八十里北少西至安
平縣治六十里東北至清鎮縣治八十里東北至龍
里縣治一百九十里

長寨廳 府南少西二百五十里南少西至廣西泗
城府凌雲縣治四百五十里西南至西隆州治五百
六十里西南至興義府治三百八十里西至貞豐州

治一百九十里西北至安順府歸化廳治一百七十里北少西至廣順州治一百八十里北至定番州治一百五十里東北至都勻府都勻縣治四百里東至獨山州治三百二十里東少南至荔波縣治三百八十里東南至廣西慶遠府南丹土州治四百三十里東南至東蘭州治五百四十里東南至東蘭土州同四百五十里東南至那地土州治四百二十里

思州府 東南至鎮遠府天柱縣治二百里南至台拱廳治一百五十五里西南至鎮遠縣治一百里西北至石阡府治一百二十里北少西至思南府治二百里東北至銅仁府治二百里東少北至湖南晃州廳治一百

一十里 領縣二

玉屏 府東四十里東少北至湖南晃州廳治七十里東南至鎮遠府天柱縣治一百七十里南至清江廳治一百八十里南少西至台拱廳治一百九十里西南至青溪縣治七十里西北至石阡府治一百六十里東北至銅仁府治一百五十里

青溪 府南三十五里東南至鎮遠府天柱縣治一百六十里東南至清江廳治一百三十五里南至台拱廳治一百二十里西南至鎮遠縣治七十五里

思南府 東北至四川酉陽州秀山縣治二百六十里北至彭水縣治四百四十里西北至遵義府正安州治

三百三十里西至石阡府龍泉縣治一百一十里西南至平越州餘慶縣治二百四十里西南至石阡府治一百三十里南少東至思州府治二百里東南至湖南晃州廳治三百四十里東南至銅仁府治二百五十里東至湖南鳳凰廳治四百里 領縣三

安化 郭下

印江 府東北四十里東南至銅仁府銅仁縣治二百二十里東至松桃廳治一百八十里東北至四川酉陽州秀山縣治二百二十里北少西至彭水縣治四百二十里西北至夔川縣治一百二十里南至思州府治二百三十里南少東至玉屏縣治二百四十

里

婺川 府西北一百二十里東至四川酉陽州秀山
縣治二百一十里東北至酉陽州治二百八十里北
少東至彭水縣治三百里西北至遵義府正安州治
二百一十里西南至綏陽縣治二百八十里西南至
平越州湄潭縣治一百八十里西南至石阡府龍泉
縣治一百一十里南至石阡府治一百八十里東南
至松桃廳治四百二十里

鎮遠府 東南至湖南靖州治四百二十里東北至思
州府青溪縣治七十五里北至石阡府治一百里西北
至平越州湄潭縣治三百里西至甕安縣治二百一十

里西南至都勻府清平縣治一百八十里南少東至黎平府古州廳治三百二十里 領廳二州一縣三

鎮遠 郭下

施秉 府西少南六十里東南至黎平府下江廳治二百七十里南至都勻府丹江廳治一百九十里西南至黃平州治六十里西少北至平越州養安縣治一百五十里西北至餘慶縣治八十里西北至湄潭縣治二百六十里北少西至石阡府龍泉縣治二百二十里東北至石阡府治一百四十里

天柱 府東南二百二十里東南至湖南靖州治二百里東至會同縣治一百四十里東北至沅州府黔

陽縣治一百八十里東北至芷江縣治一百八十里
北少東至晃州廳治一百二十里西北至思州府玉
屏縣治一百七十里西北至青溪縣治一百六十里
西南至黎平府下江廳治一百五十里西南至黎平
府治一百七十里南少東至廢錦屏縣治一百里

黃平州 府西南一百二十里東南至黎平府下江
廳治三百二十里東南至都勻府丹江廳治二百二
十里南少東至八寨廳治二百八十里西南至清平
縣治六十里西南至平越州治一百二十里西北至
甕安縣治一百二十里北少西至餘慶縣治六十五
里北少東至石阡府龍泉縣治二百六十里東北至

石阡府治一百八十里

台拱廳 府南少東一百里東北至天柱縣治一百四十里東至清江廳治四十里東南至黎平府下江廳治一百二十里南至古州廳治二百二十里西南至都勻府都江廳治三百二十里西南至丹江廳治一百八十里西南至麻哈州治二百九十里西至清平縣治二百三十里西北至黃平州治二百里西北至施秉縣治一百六十里

清江廳 府東南一百四十里東北至天柱縣治一百里東少北至湖南靖州會同縣治二百二十里東少南至靖州治一百九十里東南至黎平府廢錦屏

縣治一百四十里南至下江廳治七十五里自錦屏
縣治東北至靖州治一百二十里自錦屏縣治東至
綏寧縣治二百里自錦屏縣治東南至通道縣治一
百二十里

銅仁府 東西距一百七十里南北距二百七十里東
至湖南沅州府麻陽縣治一百四十里東南至芷江縣
治一百八十里南至晃州廳治一百里西南至思州府
玉屏縣治一百五十里西南至思州府治二百里西少
南至石阡府治二百二十里西北至思南府安化縣治
二百五十里西北至印江縣治二百二十里北少東至
松桃廳治一百六十里東北至湖南乾州廳治二百五

十里東北至鳳凰廳治一百八十里 領縣一

銅仁 郭下

黎平府 東北至湖南靖州治二百四十里東少北至
通道縣治一百六十里東南至廣西桂林府龍勝廳治
四百三十里南至柳州府融縣治三百五十里西南至
都勻府都江廳治二百四十里西至八寨廳治二百里
北至鎮遠府清江廳治一百二十里 領廳二縣二

開泰 郭下

永從 府南六十里東北至廢錦屏縣治一百七十
里東北至湖南靖州通道縣治二百一十里東南至
廣西桂林府龍勝廳治三百七十里東南至柳州府

懷遠縣治二百八十里南至融縣治二百九十里西南至羅城縣治三百六十里西南至慶遠府天河縣治四百二十里西至古州廳治六十里

古州廳 府西南一百里東南至柳州府懷遠縣治三百二十里東南至融縣治三百五十里南至羅城縣治三百三十里南少西至慶遠府天河縣治三百七十里西少南至都勻府都江廳治一百四十里西北至八寨廳治一百七十里西北至丹江廳治二百一十里北至鎮遠府台拱廳治二百二十里北少東至清江廳治二百里

下江廳 府北四十五里東北至錦屏廢縣治七十

里東至湖南靖州通道縣治一百五十里西南至古
州廳治一百四十里西南至都勻府八寨廳治二百
二十里西至丹江廳治二百里西北至鎮遠府台拱
廳治一百二十里北至清江廳治七十五里東北至
天柱縣治一百五十里西南至都勻府都江廳治二
百六十里

安順府 東西距三百一十里南北距一百六十里東
少南至貴陽府廣順州治八十里東南至長寨廳治二
百四十里南少東至廣西泗城府凌雲縣治六百二十
里西南至興義府貞豐州治一百九十里西南至安南
縣治二百二十里西北至大定府水城廳治二百六十

里北少西至平遠州治一百一十里北少東至黔西州
治一百七十里東北至貴陽府修文縣治二百里 領
應二州二縣三

普定 郭下

鎮寧州 府西少南六十里東至貴陽府廣順州治
一百四十里北至大定府平遠州治一百三十里西
北至朗岱廳治一百五十里南至興義府貞豐州治
一百三十里

永寧州 府西南一百五十里東北至鎮寧州治九
十里東北至大定府平遠州治二百四十里西北至
朗岱廳治一百四十里西南至興義府安南縣治七

卷二十二
十里南少西至興義府治二百五十里東南至貞豐
州治一百五十里

清鎮 府東少北一百二十里東少北至貴陽府貴
筑縣治六十里東至龍里縣治一百二十里東南至
定番州治一百二十里西南至廣順州治八十里西
北至大定府平遠州治二百里西北至黔西州治一
百八十里北少東至貴陽府修文縣治八十里

安平 府東少北七十里東少北至清鎮縣治六十
里東南至貴陽府定番州治一百四十里南少東至
廣順州治六十里西北至大定府平遠州治一百三
十里北少西至黔西州治一百五十里東北至貴陽

府修文縣治一百三十里

朗岱廳 府西北一百六十里東北至大定府平遠

州治一百六十里東北至大定府治二百四十里北

至畢節縣治二百五十里西北至水城廳治一百里

西南至興義府普安縣治一百九十里南至安南縣

治一百七十里西南至普安廳治二百六十里西至

雲南曲靖府宣威州治三百六十里

歸化廳 府南少東七十里西北至鎮寧州治一百

里西北至永寧州治一百四十里西至興義府安南

縣治一百七十里西南至貞豐州治八十里南少東

至廣西泗城府凌雲縣治五百五十里東南至貴陽

府長寨廳治一百七十里東北至廣順州治一百二十里東北至定番州治一百九十里東北至安平縣治一百四十里

興義府 東至廣西慶遠府南丹土州治六百一十里東南至泗城府凌雲縣治四百八十里南至西隆州治一百八十里西南至雲南廣南府寶寧縣治四百五十里西少南至曲靖府羅平州治三百九十里西北至平彝縣治四百四十里西北至大定府威寧州治六百六十里北至安順府永寧州治二百六十里東北至歸化廳治二百五十里東北至貴陽府長寨廳治三百八十里 領州一縣三

興義 府西二百里東南至廣西泗城府西隆州治
二百九十里東南至西林縣治三百三十里南至雲
南廣南府寶寧縣治二百七十里西少南至曲靖府
羅平州治一百九十里西北至南寧縣治三百三十
里西北至平彝縣治二百四十里北少西至普安廳
治二百里東北至普安縣治二百一十里東北至安
南縣治二百六十里

普安 府西北二百五十里西至普安廳治七十里
西南至雲南曲靖府羅平州治三百八十里西南至
陸涼州治四百里西少南至平彝縣治一百九十里
西北至宣威州治二百九十里西北至大定府威寧

州治四百一十里北至水城廳治二百二十里東北
至安順府朗岱廳治二百六十里東北至永寧州治
一百三十五里

安南 府北一百九十里東北至安順府永寧州治
七十里北至朗岱廳治一百七十里西北至大定府
水城廳治二百七十里西至普安縣治六十五里西
南至雲南曲靖府羅平州治四百五十里東南至貞
豐州治一百五十里東至安順府歸化廳治一百七
十里

貞豐州 府北少東一百七十里東北至安順府歸
化廳治八十里東北至普定縣治一百五十里北至

鎮寧州治一百三十里西北至永寧州治一百五十里西南至興義縣治三百七十里南少西至廣西泗城府西隆州治三百五十里東南至凌雲縣治五百七十里東至貴陽府長寨廳治一百九十里

都勻府 東至黎平府下江廳治四百二十里東南至廣西柳州府懷遠縣治七百里一十里南至慶遠府南丹土州治四百里西南至泗城府凌雲縣治九百五十里西至貴陽府定番州治二百六十里西北至貴定縣治一百三十里北少西至平越州治一百三十里東北至鎮遠府黃平州治一百八十里 領廳三州二縣三

都勻 郭下

麻哈州 府北少東七十里東北至清平縣治六十
里東北至鎮遠府台拱廳治一百九十里東南至都
江廳治三百四十里西南至貴陽府長寨廳治四百
七十里西至貴定縣治一百里西北至平越州治六
十里北少西至鹽安縣治一百二十里東北至餘慶
縣治一百六十里

獨山州 府南一百二十里東至都江廳治一百九
十里東南至荔波縣治八十里南少西至廣西慶遠
府南丹土州治二百七十里西南至那地土州治三
百九十里西至貴陽府長寨廳治三百二十里西北
至定番州治三百四十里西北至龍里縣治三百里

西北至貴定縣治二百五十里東北至鎮遠府施秉縣治三百六十里

清平 府東北一百二十里東北至鎮遠府黃平州治六十里東至台拱廳治二百三十里東南至黎平府下江廳治三百八十里西南至獨山州治二百四十里西至平越州治七十里西北至甕安縣治一百里北少東至餘慶縣治一百一十里

荔波 府東南二百里東南至廣西慶遠府天河縣治三百七十里東南至思恩縣治二百九十里南至河池州治二百三十里西南至南丹土州治一百九十里西少北至貴陽府長寨廳治三百八十里北少

西至麻哈州治二百六十里西北至貴陽府定番州治四百二十里

八寨廳 府東南二百二十里東少北至黎平府下江廳治二百二十里東至開泰縣治二百里東南至古州廳治一百七十里南少東至都江廳治八十里西南至獨山州治二百三十里西北至麻哈州治二百六十里西北至清平縣治二百四十里東北至丹江廳治九十里北少西至鎮遠府黃平州治二百八十里

丹江廳 府東二百二十里東南至黎平府古州廳治二百一十里東南至開泰縣治二百四十里東至

下江廳治二百里東北至鎮遠府清江廳治二百二十里東北至合拱廳治一百八十里東北至鎮遠縣治二百四十里北至施秉縣治一百九十里西北至黃平州治二百二十里西北至清平縣治一百八十里西北至麻哈州治二百二十里南至都江廳治一百三十里

都江廳 府東南二百九十里東少北至黎平府古州廳治一百四十里東南至廣西柳州府懷遠縣治四百二十里東南至融縣治四百四十里南少東至慶遠府天河縣治三百一十里南至思恩縣治三百里西南至河池州治四百一十里西南至南丹土州

治三百九十里西南至荔波縣治二百里東北至鎮遠府台拱廳治三百二十里東北至清江廳治三百四十里東北至下江廳治二百六十里

石阡府 東少北至銅仁府銅仁縣治二百二十里東北至松桃廳治三百八十里東北至思南府安化縣治一百三十里北至婺川縣治一百八十里西北至平越州湄潭縣治一百七十里西南至餘慶縣治一百二十里西至遵義府遵義縣治二百九十里西北至正安州治三百五十里南少東至鎮遠府鎮遠縣治一百里東南至思州府治一百二十里東南至湖南晃州廳治二百二十里 領縣一

龍泉 府西北一百二十里南少東至鎮遠府施秉
縣治二百二十里南少西至黃平州治二百六十里
西南至平越州餘慶縣治二百二十里西少南至湄
潭縣治七十里西至遵義府綏陽縣治一百六十里
西北至正安州治二百三十里東北至思南府婺川
縣治一百一十里東至安化縣治一百一十里

大定府 東南至貴陽府修文縣治二百八十里東北
至遵義府桐梓縣治四百七十里北至四川敘永廳治
二百九十里西北至雲南昭通府鎮雄州治二百里西
南至曲靖府宣威州治五百九十里 領廳一州三縣

平遠州 府南少東一百一十里南少東至安順府
普定縣治一百一十里南至鎮寧州治一百三十里
西南至永寧州治二百四十里西南至朗岱廳治一
百六十里東北至黔西州治九十里東南至安順府
安平縣治一百三十里東南至清鎮縣治一百七十
里東少北至修文縣治一百八十里

黔西州 府東南一百四十里東南至貴陽府修文
縣治一百四十里東至開州治一百六十里東北至
遵義府治三百二十里東北至桐梓縣治三百七十
里北至仁懷縣治三百九十里西北至四川敘永廳
治四百三十里南少西至安順府普定縣治一百七

十里南少東至安平縣治一百五十里東南至清鎮縣治一百八十里

威寧州 府西南三百里南少東至普安廳治三百四十里西南至雲南曲靖府宣威州治二百四十里西南至東川府會澤縣治三百五十里西北至巧家廳治三百四十里西北至昭通府魯甸廳治二百一十里西北至恩安縣治二百里北少西至大關廳治三百七十里東北至鎮雄州治三百一十里東北至畢節縣治二百六十里

畢節 府西北六十里東北至四川敘永廳治二百七十里北至敘州府興文縣治三百里西北至雲南

昭通府鎮雄州治一百四十里西北至昭通府治四百八十里南至安順府朗岱廳治二百五十里西南至水城廳治二百三十里東南至平遠州治一百七十里

水城廳 府西南二百三十里東至平遠州治二百二十里東南至安順府朗岱廳治一百里東南至興義府安南縣治二百七十里南至普安縣治二百二十里西南至普安廳治三百三十里西南至雲南曲靖府宣威州治三百四十里西北至威寧州治二百里西北至雲南昭通府大關廳治五百九十里北至鎮雄州治二百四十里

遵義府 東西距七百九十里南北距三百六十里東
南至平越州治二百三十里東南至甕安縣治一百七
十里東南至餘慶縣治二百一十里東至石阡府治二
百九十里東北至湄潭縣治一百八十里東北至四川
酉陽州治八百二十里北少西至重慶府綦江縣治三
百八十里西北至瀘州納溪縣治六百六十里西少北
至敘永廳治四百七十里西少南至雲南昭通府鎮雄
州治七百七十里西南至大定府治四百五十里西南
至黔西州治三百里西南至貴陽府開州治一百六十
里南至貴定縣治二百四十里 領州一縣四

遵義

郭下

桐梓 府西北一百二十里東北至思南府婺川縣
治三百六十里東北至正安州治三百一十里北至
四川重慶府綦江縣治三百三十里西北至瀘州合
江縣治四百一十里西北至仁懷縣治三百二十里
西南至大定府治四百七十里西南至黔西州治三
百七十里西南至貴陽府修文縣治二百八十里南
少西至開州治二百里西至四川敘永廳治三百四
十里

綏陽 府東北一百里南至平越州甕安縣治一百
八十里東南至餘慶縣治二百四十里東少南至涇
潭縣治一百里東至石阡府龍泉縣治一百六十里

東北至思南府婺川縣治二百八十里西北至四川
重慶府綦江縣治三百一十里西少北至桐梓縣治
一百里

正安州 府東北三百六十里東少南至四川酉陽
州秀山縣治四百二十里東北至酉陽州治四百六
十里東北至彭水縣治四百二十里北少西至重慶
府南川縣治三百里西北至綦江縣治三百一十里
西少南至仁懷縣治四百四十里西南至綏陽縣治
二百六十里南少東至平越州湄潭縣治二百里東
南至石阡府龍泉縣治二百一十里東南至思南府
安化縣治三百三十里東南至婺川縣治二百一十

里

仁懷 府西北四百四十里東北至四川重慶府綦
江縣治四百三十里東北至瀘州合江縣治二百一
十里西北至納溪縣治二百二十里西至仁懷廳治
二十里西南至四川敘永廳治二百一十里西南至
大定府治四百九十里南至黔西州治三百九十里
東南至貴陽府修文縣治五百三十里東南至開州
治五百四十里東南至平越州養安縣治六百四十
里

松桃廳 南至銅仁府治一百六十里東南至湖南沅
州府麻陽縣治二百四十里東南至鳳凰廳治一百八

十里東至乾州廳治一百五十里東北至永綏廳治三百里北少東至四川酉陽州秀山縣治八十里西北至彭水縣治五百里西北至思南府婺川縣治四百二十里西至印江縣治一百八十里西南至石阡府治三百八十里

普安廳 東至興義府普安縣治七十里東南至興義府治三百二十里南少東至興義縣治二百里西南至雲南曲靖府羅平州治三百二十里西南至陸涼州治三百三十里西南至南寧縣治二百一十里西南至平彝縣治一百二十里西北至宣威州治二百二十里北少西至大定府威寧州治三百四十里東北至水城廳

治三百三十里東北至安順府朗岱廳治二百六十里
仁懷廳 東至遵義府仁懷縣治二十里東南至貴陽
府修文縣治五百五十里南少東至大定府黔西州治
四百一十里南少西至大定府治四百七十里西南至
四川敘永廳治一百九十里西北至瀘州江安縣治二
百三十里西北至瀘州治二百五十里

平越州 東北至鎮遠府黃平州治一百二十里東至
都勻府清平縣治七十里東南至麻哈州治六十里南
少東至都勻縣治一百三十里西南至貴陽府貴定縣
治八十里西至修文縣治二百里西北至開州治一百
七十里西北至遵義府治二百三十里北至綏陽縣治

二百四十里東北至思南府婺川縣治四百四十里

領縣三

湄潭 州東北二百六十里南至餘慶縣治一百六十里西南至遵義府遵義縣治一百八十里西少北至綏陽縣治一百里北至正安州治二百里東北至四川酉陽州彭水縣治五百里東北至思南府婺川縣治一百八十里東少北至石阡府龍泉縣治七十里東南至石阡府治一百七十里東南至鎮遠府施秉縣治二百六十里南少東至黃平州治二百二十里

甕安 州北六十里西南至貴陽府貴定縣治一百

五十里西南至貴筑縣治二百六十里西至開州治一百四十里西北至遵義府遵義縣治一百七十里北至綏陽縣治一百八十里東北至湄潭縣治二百里東少南至鎮遠府施秉縣治一百五十里東南至黃平州治一百二十里東南至都勻府清平縣治一百里南少東至麻哈州治一百二十里

餘慶 州東北一百四十里西少南至甕安縣治八十里西北至遵義府遵義縣治二百一十里西北至綏陽縣治二百四十里東北至石阡府龍泉縣治二百二十里東北至石阡府治一百二十里東南至鎮遠府施秉縣治八十里南少東至黃平州治六十五

里南少西至都勻府清平縣治一百一十里西南至
麻哈州治一百六十里

落帆樓文集卷二十三

落帆樓文集卷二十四

烏程沈

垚敦三

別集

詩本音解

音隨世變古人有韻之文以後世聲音讀之往往不協者非古韻有乖實古人之音本如是而後世之音轉也世儒不知則有叶音之說元朗以之釋經典師古以之注漢書皆謂古本不諧須轉讀以協句逮至明陳第改叶音爲本音近世顧氏江氏又推衍其說於是詩書之旨明聲音之道顯三百篇之句不必叶而自無不協矣顧氏音學五書江氏古韻標準二書區定部分攷論古

今異同皆精確不刊夫顧氏轉尤侯入魚虞江氏轉魚虞入尤侯則江優于顧顧氏藥鐸有分而江氏不分則顧優于江試取顧江之說注于本詩之下則音韻和諧聲律宣暢近世攷古之學實有出于先儒之上者此類是已今就闕睢一詩言之寤寐思服服本音蒲北反不必叶音蒲北反也左右采之采本音此禮反不必叶音此禮反也琴瑟友之友本音以不必叶音以也若夫部分平仄字別四聲古人本是同條後世乃生區別鐙蓋柄曲唐代訝爲聰明天子聖哲梁武猶所不信故闕睢末章芼樂同韻不必叶芼爲入聲亦不必叶樂爲去聲也夫顧江古音本已條分縷析近儒復就其部分再加

分別則失之繁碎矣古人本無四聲近人乃謂古有平
上入而無去聲則不如并四聲爲一條之爲得矣

采蘋之詩鄭箋解

召南采蘋鄭箋以爲教成之祭詩確不可易昏義古者
婦人先嫁三月祖廟未毀教于公宮祖廟既毀教於宗
室教以婦德婦言婦容婦功教成祭之牲用魚芼之以
蘋藻今其詩曰女則未嫁者也曰宗室則祖廟已毀者
也曰蘋藻則羹之芼也以禮證詩極爲明確而朱子乃
改爲大夫妻能奉祭祀則于禮反不合何也古者釔羹
之芼据公食禮牛藿羊苦豕薇無用蘋藻者大夫祭用
少牢釔芼當用苦薇今乃言蘋藻則非大夫常祭禮矣

祭禮夫婦交獻後主人主婦皆有致爵之禮其後旅酬主人旅賓于西階上主婦亦旅內賓于房中無舍主人而專言主婦者此詩言誰其尸之有齊季女則此祭主爲女設非夫婦交親之常禮矣孟子言誦詩讀書當論其世三代之詩舍三代禮制何由得其解朱子不信鄭氏故于禮往往不合如卷耳陟岡不用官人之訓躋堂祝壽不信學校之文不知以公堂爲路寢非民庶所得登以道路釋周行非后妃所游覽違背古訓大乖禮意又如君子陽陽不用仕冷官之舊訓則陷于恆舞酣歌之習尤失詩人本旨矣

傳注后土不同解

經傳所言后土或指地言或指五祀之土神言或指配食於社之上公言后者君也尊地神曰后土左氏傳君履后土而戴皇天是指地言也土正曰后土其工氏有子曰句龍爲后土則后土是官名句龍生爲土官有功死爲貴神列之五祀于是五祀之土神有后土之稱后土又爲社而社亦有后土之稱然則地神及土官及配食於社之人及五祀之土神皆名后土矣毛甫田詩傳鄭月令注皆云社后土也而甫田疏引鄭志趙商疑社與后土異郊特牲疏引王肅難鄭謂社非后土皆拘泥之說耳大宗伯以血祭祭社稷五祀五嶽鄭注五祀據左氏傳句芒祝融后土等五官之神爲說五祀之祭曲

禮謂之祭四方小雅謂之方祀毛詩傳及鄭禮注皆謂祭五官之神于四郊月令四時迎氣祭五天帝五人帝皆以五官之神配食而仲夏大雩帝季秋大饗帝亦皆祀五官之神然則句芒等神祀亦廣矣而后土所祀爲尤廣甫田詩云琴瑟擊鼓以御田祖籥章注云田祖謂神農大司徒注云田主田神后土田正之所依也詩人謂之田祖詩疏謂田祖主祀神農而祭尊可以及卑兼祀后土后稷然則句龍旣爲五官之神又爲配食於社之神又爲田祖之神豈以萬物非土不生有土功者食報亦最廣乎左氏明言后土爲社而王肅必謂社非后土是但欲難鄭而不顧傳文矣

古人廟制南向解

小宗伯建國之神位右社稷而左宗廟匠人營國左祖
右社前朝後市宮皆南向則廟亦南向惟明堂四面有
堂然觀明堂位天子負斧依南鄉而立則亦以南向爲
正而青陽向東總章向西元堂鄉北但爲春秋冬三時
聽朔之所居而不以爲正向矣鄭康成謂宗廟路寢制
如明堂鎬京尙沿諸侯之制故顧命有東房西房東堂
西堂周公營洛始用天子制度故洛誥有王入太室裸
之文此說人多不從蓋廟必南向天子廟室之廣狹無
文祭時室中有尸俎有主人之俎有祝俎而天子之俎
十有二常祭各于其廟猶無不相容之嫌若大禘則合

毀廟羣廟之主據禮器疏尸主異席則不毀之尸主已有一十四席而毀主更不可以計數也七廟之尸俎各十有二則已八十有四卽据郊特牲疏毀廟之主昭其一牢穆其一牢而連未毀之主俎已一百有八也而又有祝俎有主人之俎一室而得容大禘之席與俎則太廟室亦廣矣若如鄭說太廟路寢制如明堂則匠人度九尺之筵室僅二筵區區一丈八尺之室豈能容此大禘之席與俎哉此則所斷不敢信者也況廟必南向與明堂同制雖以南向者爲正究有四向之嫌然則宗廟明堂制各異矣

諸侯命圭解

五玉三帛羣牧輯瑞于重華會稽命山萬國獻琛于文
命介圭入覲韓侯受追貊之封圭瓊對揚召虎拜土田
之錫命以寶圭爲國之守朝則特達用殊琮璜貢于王
庭統以寸瑁公侯伯子男所執所謂命圭也若夫兩國
通好玉帛相交王撫諸侯歲問殷聘則有瑑圭以結歡
焉二采一就纁藉從同皮弁襲裘當楣授玉人異于北
面東面事殊于當之當依較之五等所執制懸絕矣然
而琢自玉人掌于典瑞分封之始與車旗同錫于王朝
故論語注亦謂之命圭以其亦爲天子所命故也但散
雖可通對文則異因有命圭之號便誤爲躬桓蒲穀之
倫斯則錯解之非古人不任咎矣

庸蜀羌髳微盧彭濮攷

夫以關中東并者西必兼巴蜀惠王用兵金牛通於五
士沛公得漢狼狐定夫三秦魏師入成都而江陵不支
元兵取川蜀而荆湖告急并絡天彭天下險阻周武東
伐而以師來屬者有庸蜀羌髳微盧彭濮等八國則已
舉唐之山南劍南二道及江南道之黔中地而盡屬周
矣又何待孟津魚躍牧野鷹揚而始歎師之無敵哉庸
爲今之竹山等縣蜀爲今之成都等縣武都白馬之羌
屢擾于炎漢西出則宕昌鄧至皆羌屬也然則今之階
州以西卽其地矣禹貢蒙山之號標名於青衣蒙髳爲
雙聲則髳是蒙山下夷也然則今之雅州以南皆髳地

矣微不可攷不敢強爲之說左傳楚伐絞師分涉於彭後伐羅羅與盧戎兩軍之則盧彭地皆近楚百濮聚選以伐楚巴濮楚鄧爲南土濮地在楚之南周公陳立政微盧爲夷地之君殷氏辨疆隅濮鉛爲炎州之國蜀髡爲唐劍南道地羌爲唐山南西道地庸與盧彭濮爲唐山南東道及江南道之黔中地在禹貢爲梁州及荊州西界地文王化起岐周而江沱漢廣見于風詩然則八國之服從舊矣夫據岐雍者恃西蜀爲右臂蜀財富厚甲天下巴渝之人勁勇善戰地皆崇山峻嶺絕壁深箐左下浮漢達隨鄧右下浮江至洞庭五渚不得其地則財不足力不厚兵固不能東出也周衰而庸盧彭濮皆

屬楚楚衰而庸蜀盧彭濮又皆屬秦秦乘建瓴之勢東
向制諸侯然則西蜀其要地哉特八國之從周則自由
德化而非以力制耳

毛詩傳以重言釋經一字攷

古人解經皆取聲相近字爲故訓或聲不相近者則音
之轉也許氏說文劉熙釋名等書皆然又或疊經之字
而釋之者則謂之重言毛詩傳以重言釋經字如谷風
汎汎傳疊經爲汎汎汎汎雲漢蘊隆傳疊經爲蘊蘊隆
隆此類多矣蓋以音有緩急語有重輕旣方俗之互殊
又古今之遞變轉相訓釋意乃可明讀如讀若之等義
卽寄于聲宗尊廟貌之言聲皆兼乎義雙聲疊韻無非

轉注之指歸內言外言總屬釋經之要義此古人之所以多取聲相近字爲訓也又以霜鐘洪鳴故非遽止焦桐入聽亦有餘音春雷之奮石壁必如連鼓之轟秋風之振林臯豈止終朝之厲言之不足故長言之湯湯方割虞廷已有先聲眇眇愁予楚騷又有嗣響疊經之字重以成文但取聲音卽是故訓此毛傳之所以多以重言釋經字也後世儒者不攷聲音專求義理穿鑿附會橫生意見卒之古音不知古義亦無由明惜矣

論語古今文異同攷

漢世諸經皆有古今文之異諸儒博士所傳習者謂之今文出於孔壁者謂之古文今所行論語則何氏集解

本也夫響啟金絲述于中壘校尉之略璅猛玉璨引于南閣祭酒之編奇文與尙書並重祕府與逸禮同藏馬鄭諸儒以古文正今字之誤王何後學以元風變先師之規自何氏集解行而鄭注廢矣蓋鄭注者攷古今文之異同而得其中者也今就諸經疏中所引鄭注略舉數條已可見集解之失而鄭之得矣特牲饋食禮疏引鄭論語注義以媚竈之竈爲爨謂祭畢而祀餼爨爨爨祭宗廟之神於奧祀爨於爨奧方與竈事得相連集解引孔氏說全無依據朱子以五祀之竈當之則竈在廟門外東方竈陘祭主畢改設饌於奧乃門塾之奧非廟室之奧月令正義剖析極詳朱子用鄭注而不檢孔疏

遂誤合二奧爲一廟室之奧可謂長尊門塾之奧非長尊之地祀竈不在廟奧故竈與奧不相連可見鄭注以爨釋竈之確如朱子說則王孫賈喻意不明矣詩王風譜疏引鄭注吾其爲東周乎以敬王遷居成周在王城之東故謂之東周集解乃曰言興周道于東方則語意無著且於理有礙矣曲禮疏引鄭注過位爲中庭北面之卿位則上與入門下與升堂相應言似不足又與上文與上大夫言間閭如相應若集解引包氏說謂君之虛位門外立之處則不應先入門而後過位又恐君之虛位非人臣相與之地矣如上諸條非皆集解失而鄭注得哉惜乎人皆避實就虛厭繁趨易集解盛行

而鄭注遂亡夫可以攷古今文之得失者鄭注也鄭注
既亡則古今文之異同又曷由而得其詳哉

尙書今古文辨

經有不亡于秦而亡于隋唐者其尙書乎王肅難鄭于
前元晏作僞于後南奔五馬歐陽與夏侯俱亡東聚三
星棘下爲航頭所亂西州僞簡從此流傳其時人士皆
無遠識所讀不出老莊時尙但知元理震于古文不能
鑒別然而南人浮薄爭讀梅賾之書北土英豪尙守康
成之注則伏勝杜林賈逵馬融之所傳雖亡于江左尙
不亡于中原也逮至隋平區宇擒虎渡江梅姚僞書遂
盛中土劉炫者中朝彥達日下無雙雅信僞書私撰舜

典潛哲等字及唐代定五經正義據劉炫本爲主於是馬鄭相傳之真古文反謂之今文皇甫謐姚方興所撰之僞古文反謂之真古文而書亡矣夫尙書在漢本有古今文之別濟南徵士壁臧列宿之章所謂今文也其說列學官置博士而伏氏亦有古文魯國驕王殿啟金絲之響所謂古文也其書藏祕府劉向父子及東京大儒皆習之然皆先習今文是故馬鄭之學合古今而攷其中者也唐之正義本不古不今非伏非孔者也僞書依傍書序采取百家其義之精粹皆本周秦諸子其文之卑弱則沿魏晉體裁不識典章亦乖詰訓必究其失可得而言略舉數端足徵其謬夫辰弗集房引于左氏

然以爲正陽之所戒非常月之所用也作僞者謬入羲和之罪編爲誓戒之詞代標仲康之年月表季秋之朔致令後世疇人誤測夏時交限耳聽下士翻譏左氏浮夸則攷之推步而不合也自偃師至朝歌孟津爲要地但津會之所在河北而不在河南作僞者別撰太誓乃分孟津河朔爲二斯則津渡南移由人在典午之世導河數語將誤解文命之書則攷之地志而不合也唐虞之制羣牧歲朝鎬洛之規諸侯服見康成有言三年聘五年朝乃文襄之霸制非周公之舊章作僞者撰周官乃有六年五服一朝之說遂至傅會者強通叔向之語任臆者并不信周禮之書則攷之典禮而又不合也王

者肇興必新正朔人時敬授驗候從同故太宰有正月
正歲之殊雅詩兼夏正周正之解若夫嗣君繼統百度
惟新卽位改年必用本朝正朔故夏時雖善太史不以
紀歲所以從實也作僞者撰伊訓太甲諸篇于元祀三
祀皆有十二月之文致令後世儒生紛滋改時不改月
之辯太初追改旣誤證于漢書魯史尊王乃反訾夫左
氏則攷之正朔而又不合也至若太康諸弟厥號五觀
淫娛自縱用失家巷故左氏有觀扈之言漢志列畔觀
之縣作僞者撰五子之歌乃有述祖訓之說若斯之類
尤爲可笑又如爲山面牆之喻術述之周初崑岡焚玉
之言乃出之夏代習三國六朝文人之語而忘其代先

古立言斯則淺鄙更不足辨矣夫疑僞書始自朱子而人或非之吾以爲朱子所疑乃千古特識非唐以後諸儒所能及也

姚野橋梅花冊跋

余于乙未歲與姚君野橋相識于京師野橋工詩能爲六朝宮體文尤擅填詞彷彿草窗白石通音律吹簫度曲意趣灑然出必以歌童侑酒嘗手疏其小名加以月旦貴游子弟欲得酒佐皆視所品第爲輕重編修徐蓮峰先生野橋師也愛其才館之于家又能容其疎縱人比之奇章公待杜牧之焉野橋又善作畫山水花鳥人物隨手渲染都有天趣京師人識與不識皆知野橋爲

浙東才士惜兩耳少重聽耳野橋任眞坦白與余一見
卽如素相識者暇日出其所畫梅花冊屬題意致閒雅
天然高妙余旣愛其畫欽其文詞尤重其胸懷夷曠不
受世俗一塵也故謹述其梗概以墨其後

薦畫友與人書

吳爨獲契于中郎耶銅騰精于薛容夷光雖美明鏡照
而增輝荆璞雖珍良工求而益貴閣下精研六體屢飫
三餘雙戟風流五花雲燦撥鐙楷法雅擅于揮毫過眼
雲烟復精于鑿藝遂使鯁生翹首下士傾心爭向風而
長嘶冀拂毛而增價揚州某君精于繪事素號多能六
代青山作胸中之邱壑二分明月烘筆底之烟霞研麗

寫其慧心渲染蒸爲秀采點來花草含露風迎畫出衣
冠添毫頰活寫生妙手故自無慚慕公雅懷希邀清鑒
想高才宏獎必且爲之譽延精識知微定能使彼心服
孫陽垂顧一言變其奔蹏謝傅多情十倍增其葵扇書
此數行俾持晉謁

費席山先生七十雙壽序

封建之世計口授田處四民各異其所貧富無甚相懸
周末兼并而貨殖之術以興魏晉後崇尚門第九品士
庶之分事雖異古而雜流不得與清班並仕者祿秩旣
厚有功者又有封邑之租以遺子孫故可不與小民爭
利唐時封邑始計戶給絹而無實土宋太宗乃盡收天

下之利權歸于官於是士大夫始必兼農桑之業方得
贍家一切與古異矣仕者既與小民爭利未仕者又必
先有農桑之業方得給朝夕以專事進取於是貨殖之
事益急商賈之勢益重非父兄先營事業于前子弟即
無由讀書以致身通顯是故古者四民分後世四民不
分古者士之子恒爲士後世商之子方能爲士此宋元
明以來變遷之大較也天下之士多出于商則媮嗇之
風日益甚然而睦婣任卹之風往往難見于士大夫而
轉見于商賈何也則以天下之勢偏重在商凡豪傑有
智略之人多出焉其業則商賈也其人則豪傑也爲豪
傑則洞悉天下之物情故能爲人所不爲不忍人所忍

是故爲士者轉益熾嗇爲商者轉敦古誼此又世道風俗之大較也同年費君選泉心敏而才贍道光戊戌以生父席山先生暨徐孺人皆年登七袞乞言于京師將歸爲親壽費氏湖州望族以科第起家著績中外爲世名臣者相接先生自少時侍父範九府君治產積居于臨淮繼又佐其舅氏性廉介會計出入無絲毫私取而喜施無倦識異族子見山于貧窶時後舅氏家中落先生別治生有效已亦落而見山乃廢著鬻財于懷寧邀先生偕往懷寧爲安徽會城當長江上下之衝往來者相續求者益眾而先生喜施如故見山之財業亦益大昔陶朱公三致千金再分散與貧交陳昆弟白圭善治

生言智不足與權變勇不足以決斷仁不能以取予彊不能有所守雖欲學吾術終不告之然則治生之道固有以予爲取者世之但知取而不知予者其不善治生者乎且睦嫻任卹之風幾不講于世先生乃敦古誼爲士大夫所難欲不以豪傑相推烏可得也先生三子入貴得州判銜選泉其季也少穎悟先生從兄槐堂君早歿無子嫂氏欲其季爲嗣先生卽以少子爲兄後此亦近人所難者選泉于甲午年舉于鄉時先生在安慶次子在雲南今選泉自京師歸先生亦旋里次子又自雲南歸娶天倫之樂綵衣之慶相識爭欣抃焉謂先生爲善之報將未有艾選泉後日侍承明入玉堂出入中外

爲世名臣皆先生積善之慶也某等與選泉同年禮不可無言而謂元明來士之能致通顯者大概藉資于祖父而立言者或略之則祖父治生之瘁與爲善之效皆不可得見故推本古今之異與先生之所以自見者以爲先生壽

落帆樓文集補遺目錄

王約甫文稿序

張頌江遺詩序

壽蘇年丈文

陳母姜太孺人六十壽序

某君傳

曹母王恭人墓志銘

例封安人馬安人墓碣銘

公祭王母周太孺人文

落帆樓文集補遺目錄

落帆樓文集補遺

烏程沈 垚敦三

王約甫文稿序

代

人之成材也古易而今難其爲文也古有用而今無用
古人所學皆當世之務所行卽生平之學後世所取非
所學所用又非所取則無以成材矣古者上自制詔下
至州縣書檄皆以文行之後世事繁法密一切取辦于
吏牘而所謂文章者皆無與天下國家之故則文爲無
用矣講求吏治者不習文章講求文章者不習故事然
天下究未有舍文而能傳其事者亦未有空無事實而
文可貴者是故聰明俊偉之士不肯囿于凡近專心壹

志求學爲古作者之文而卒寥寥于數十百年中不能
數數邁也凡今之士約有二途通都大邑冠蓋旁午士
習于世尙嗜利而務進取往往虛文可觀而根柢淺薄
不能自振小邑僻壤人事簡少生其間者耳不聞諧俗
之爲目不睹譁世之具於今不熟則於古不戾於習不
染則於道不背故秀出之士往往抗志希古思有以自
見然而家無藏書出無良友抱殘守缺雖有古人之性
情終不能成古人之文章此今日成材之所以難而求
如古人有用之文所以不可得見也盱眙王生約甫余
視學時以廩滿考取歲貢生及余來京寄所爲古文求
序於余余閱之所言多切近而詳實自求而不欺人由

是而充之以經史輔之以良友所爲將有大勝于是者
蓋必有本而後有文有性情而後文章事業得有所成
就虛文可觀之士所以不克自振者以性情爲嗜欲所
汨也約甫庶幾不戾古背道者修行于鄉而四方之士
皆將取準焉又豈獨文章之終克有成也余深悲通都
大邑之士多汨沒于利祿而山澤之士又以無書無友
之故不克大有所成就故以讀書取友二事爲約甫勸
而卽以是言弁於簡首道光十有八年歲次戊戌孟秋
之月前任工部左侍郎安徽學政構李沈維鐫序

張頌江遺詩序

代

工部主事溫君稼生爲金門人王實橋太守所取士以

其姻戚張頌江遺詩乞言于余詩才數十首皆近體附
五言排律體數十首頌江早世其弟養之悲兄學未及
成思以遺詩存其兄乞震澤金君山甫審定以存之養
之愛兄之心可謂篤矣山甫爲人沈子敦屢言之余曾
讀其詠明史詩一種詞旨清婉寄託遙深近日詩人多
散處于江湖山甫蓋其一也頌江雖早逝未及多讀書
然得從容見接于山甫飫聞其緒論以發爲詩歌宜其
詩之溫麗可喜也世人謂求進取而事吟詠猶欲南走
而北轅詩古文詞經生目爲辭官表頌江當事進取之
時故于讀書作詩皆不暇爲然終賴此數十首弟猶得
藉以存兄設使并無此數詩雖有友愛之弟亦將何所

施力也窮達由命學問由己世之事進取不遂其志而
早死者何限既喪其可爲于己而仍不能取所難必于
天豈不深可哀哉然則頌江猶幸而有是詩也已大興
徐松序

壽蘇年丈文代

道光十八年秋同年翰林院檢討義寧蘇□□將往覲
省于南陽時年丈□□先生方知內鄉縣某年月日爲
六表生辰□□將率其弟及子與從子等舞衣稱慶于
前徵詩于同官某等與□□爲同年禮不可以無言乃
各爲詩歌以道揚其盛而先之以序曰先生以舉人大
挑一等分發河南歷署夏邑正陽縣事屢以能詰盜理

冤獄聞于上官補南陽府內鄉縣知縣河南爲四方走
集之區南陽又當豫荆梁雍之衝地繁人雜而史所稱
循吏事如召父杜母劉寬之蒲鞭示慈羊續之懸魚表
清皆在南陽先生以愛民惜士之心覽故事而酌施其
可行者宜其訟庭空虛而治行大異也內鄉本古析酈
等邑城在府城西幾二百里西北通陝西商南西南通
湖北光化界連數省姦穴易于藏匿西峽石黨子口花
園頭等關皆其西面門戶也川則析水流其西湍水經
其東而東南注于鄧州則漢召信臣之六門故陂在焉
又南近數州縣之所資灌溉者也內鄉故屬鄧州鄧東
與唐鄰宋謝絳知鄧州按召信臣六門堰故迹壅水注

鉗廬陂溉田三萬頃趙尙寬知唐州視圖記得召信臣
陂故迹發卒疏渠又教民爲支渠化榛莽爲膏腴元楊
彥珍守鄧州與中書平章游顯築楚鐵狗兩堰灌屯田
歲收粟數十萬石楚堰卽今鄧州西北之楚場塢東南
去州西北去內鄉縣皆六十里元和郡縣志稱楚堰壅
斷湍水溉田五百餘頃水經注稱楚場高下相承八重
周十里方塘蓄水澤潤不窮則楚堰本古有之彥珍特
修復之耳先生今若以除害之心嚴視關隘則姦邪無
所容隱以興利之心相度陂渠則瘠薄皆爲腴壤民之
所以德先生者又豈在古之良吏後也先生配王孺人
儒家女善內助兩子長學健卽□□也先生出膺民社

之寄而□□官翰林爲

天子文學侍從之官實惠榮名兩世兼之世或以爲榮而某等之所以祝先生者推先生之心知以能繼古人政績爲榮而不以世之所謂榮者爲榮也古書稱鄗縣菊泉水極甘香飲之者皆至上壽今先生身居其地日汲此泉而餐之則致康強耆艾之美又豈有涯也乎先生任正陽時縣連月不雨因決一冤獄而雨一事之誠感動天心先生之爲神所相也久矣其壽又豈藉區區一泉之甘也乎

陳母姜太孺人六十壽序

代

道光十五年陳君喬雲成進士將爲令于吾鄉值母姜

太孺人六十初度先歸家稱慶而後之官京師士大夫
與相識者各爲詩若文以侑觴致祝而徵言于余余惟
新城陳氏江西望族自凝齋先生以理學顯子孫官中
外多爲時名臣而戶部侍郎鍾溪先生實余丙辰會試
房考師喬雲又余視學江右時所取士也兩家先後有
淵源之契喬雲父果堂先生與余又有雅故而其從兄
禮部左侍郎石士先生方與余同官于朝故知君家世
德爲詳喬雲又才略恢廓行見循良報最卽膺不次之
擢果堂先生篤內行愛禮賢士生時所獲不足報其德
古人所謂不得于身必有得于子孫者將于喬雲見之
而姜太孺人實肇啟其祥也余曷敢不一言以爲諸君

子介壽之先陳家故饒裕凝齋先生立祭田二千畝學田一千畝子悉堂先生孫節庵先生兩世推廣之凡立祭田義田學田共七千畝果堂先生謂欲垂久遠宜如范氏義莊之例乃具牒縣府巡撫阮公爲請于

朝得

旨旌獎伯兄恕堂先生以官毀家果堂先生與諸兄各析已產歸之後仲兄約堂先生又以官毀家鬻田償所負果堂先生乃率從子受田而倍歸其值其承先志而友于兄也如是厚于故舊嘗學于南豐趙勉哉鳴鑿而廣昌黃靜山永年新城徐訥庵瑞凝齋先生之師友也三家子孫率貧乏時存恤之性喜文詞頗爲吳越游謁

姚姬傳程易疇孫淵如諸先生其敦氣誼而敬禮賢士大夫又如是然而果堂先生領鄉薦後再應禮部試不遇遂以奉母家居長子舉于鄉旋以疾卒豐于德而嗇于遇造物報施之道似有爽矣然而長子卒得六丈夫子雖不見喬雲之成進士固及見喬雲之有聲庠序余謂君家祖德厚喬雲遠大器所成就未有艾果堂先生獲報方於今始耳篤其慶于太孺人而太孺人乃親見之而享其奉是固可慶也矣太孺人事君子甚莊教子有法余謂坤道無成故不述其庸行而樂稱果堂先生之高義以爲太孺人壽

某君傳代

蓋聞泉名孝感奕禩曜其簪纓里號高陽士類資其模
楷古之處士怡情竹素韜德邱園雖遇嗇于當時必報
豐于繼世史冊炳然不可誣也□□先生生而醇粹長
益端嚴居鄰射蛟之臺派衍擾龍之族研經十載藉以
娛親勤業三餘亦希用世乃風水遽悲枯魚飲泣遂使
養志堅伯吞聲變其解韋色喜毛生哀容輟其捧檄蓋
自乾蔭傾而先生遂絕意進取矣家居勤課農業盡力
養母母年八十餘寢疾半年而歿先生自侍疾至終喪
皆合禮節趙文楚之躬耕爲營甘旨江次翁之持服不
忍變除至行之過人里黨交稱焉訓子勤而有法宏農
勸學銅盤□肉之珍卹國立庭夜半問安之課策其勤

讀勵使成材以故入室光生繞階蘭茂譽兒非癖寶既
驗于傳經孫枝更芳祥又徵于贈硯皆善教之符也亦
篤行之報也配王孺人生長名族敏惠知書女紅之閒
課兒時勤于畫荻總角之子授讀已勵以折蓂子孫之
賢蓋亦有閨中之助焉長子協夢寄籍保定府蠡縣以
嘉慶庚午舉人補武清縣學訓導念過庭之昔訓槍手
澤于遺編以某舊里後生粗知先生梗概遂授簡札命
述生平如某謏陋之才何足掄揚盛德重違其請粗識
匡略傳楚國之先賢媿無健筆志陳留之風俗□仰芳
型云爾

曹母王恭人墓志銘代

恭人姓王氏睢州人乾隆丙戌進士京山縣知縣廷憲
之女儀封曹氏山東登萊青兵備道某之子婦山西河
東鹽法道某之妻今禮科給事中宗瀚之母也余故與
鹽法公相友善又與宗瀚同官都察院恭人歿宗瀚以
銘詞請余據狀敘之曰恭人幼隨京山君于湖北京山
君罷官游四方恭人侍母袁孺人僑居漢上年十九歸
曹氏時君舅兵備公官蘇州府同知恭人事舅姑于蘇
州如事父母君舅擢慶陽府知府祖姑某太恭人以道
遠不往儀封故廬圯于河移居蘭儀城侍祖姑于蘭儀
數年兵備公解組歸鹽法公繼官戶部歷御史給事中
出署山西按察使補河東鹽法道恭人皆從時宗瀚已

爲刑部四川司郎中鹽法公卒于官宗瀚服闋補浙江
司郎中恭人復就養于京師恭人爲室女時京山君罷
官歸家數客游母袁孺人又多疾恭人以勤孝聞歸夫
家持內政不少怠奉舅姑相夫子皆適于禮法宗瀚自
舉于鄉至爲御史每諄切訓諭俾得有成是可銘也已
恭人卒于道光十五年夏四月二日享年六十有九諡
封恭人子三長卽宗瀚次宗沂候選員外郎次達本出
爲叔父汝翼後女入壻某某孫棫幼女孫二以某月日
祔葬于杞縣高陽屯之原銘曰

襄邑吾縣雲夢旅廬一官爲累難返故居父兮遠游母
兮多疾辛勤藥餌繫女在室九十其儀來嫁于曹君舅

遷官祖姑年高不窳長城太守行部孫婦賢孝母心無
苦東嶠秉節得奉板輿欲慰眉梨遣子其俱英英君子
職佐司會游擢臺垣賢歷中外內助無愆迎事尊章庭
有嘉賓吹笙鼓簧家道克昌賢子繼起相夫以勤誠子
以禮諄諄母訓可作官箴書此刻詞以告幽陰

例封安人馬安人墓碣銘代

安人姓馬氏海寧州學生員蔣光煦之母也前余視學
浙江取光煦入州學今年夏光煦以狀寄京師介刑部
江蘇司主事沈君濂乞銘按狀安人海寧州人曾祖某
祖某父某國子監生

例贈朝議大夫前母祝氏楊氏母程氏安人少淑慎于

女兄弟中尤得父母歡年二十一嫁爲同州候選布政
司經歷蔣君某妻蔣君生五十日而孤母歸太安人撫
以成立安人事姑孝姑守志三十餘年歿後忌日安人
必稱先姑之節及治家之德訓子之法以戒家人歸太
安人卒得邀

旌表蔣君無兄弟安人生二男二女皆殤屢勸夫納妾
凡三納妾而生男卽光煦也當光煦未生時安人屢焚
香禱天求子忽蔣君遽急疾瀕殆安人念膝下未有嗣
息聞病者得股肉可愈乃閉戶抽刀割左臂肉片許投
鑊中家人排闥入則安人血淋漓仆地而鑊中水沸湯
進蔣君啖之甘病良已踰年光煦生越十年蔣君卒安

人身拚捨家事而督光煦讀甚嚴書未熟則責跪父影
堂前必使成誦乃已嘗戒光煦曰汝柔懦未能自立幸
藉先人遺澤可無衣食憂宜益敬慎不可妄有交游若
媒孽生于不測汝鮮兄弟誰爲汝禦侮乎性儉約一衣
數十年雖敝不弃而歲製綿衣百領給窮冬告寒者遇
疫作必覓良方合藥以施周卹戚黨無德色狀中所述
大端如此是可銘也願余有所告于光煦者人子無不
思尊榮其親而所謂尊榮者非苟富貴之謂也能推安
人不妄交游之言以親賢友善窮達皆有以自見以成
親之令名是在光煦之立志而已安人卒于道光十四
年冬十月十八日年六十有八側室劉氏生子光煦爲

父後錢氏生一女嫁安人之姪孫三人以某月日祔葬于王家村之原銘曰

先姑卅年保此子子未生兒胡可死剖肉投湯病果已若爲君家延一紀踰年生兒願終慰兒未長成夫遽死母兼父職從茲始愛兒教兒弗敢弛我作此銘告人子成親令名志宜矢

公祭王母周太孺人文代

惟太孺人生而淑慎動合禮法言成閨訓端敏之性柔仁之姿三德七戒無俟女師結褵來歸相夫以義古歡克敦華飾不事奉事尊章敬養備至滌澣柔滑先意承志湖風蕭蕭刀匕親操先姑諱曰云是今朝生未逮事

歿薦臙臙厨下羹湯今日補調濟濟 皇都戔戔髦士
賦獻凌雲隗游燕市宣文留家畫荻課子夫子金臺留
滯四年泊平南歸舅又秦川筆耕收薄鬻釵貨鈿秦關
書到舅泣商南鯉庭別久子安駕驂挈子覲親冀慰飭
含浮江湖漢將出三戶教匪猖獗襄樊路阻回舟陸行
改道申許發駕中牟驅車漣洛陝虢而西東馬巖壑到
不數月賊匪來攻城如彈丸亂舞梯衝斯時故園書斷
雁鴻傳來消息孤城已陷山南劍南賊如虎鬪君舅薄
宦遽委天涯秦嘉一去又益舒祺五內崩摧心植荆棘
卻有繼姑淚落不得焚香默禱神鑒其懷君舅無恙征
人遠來君舅卒官生計益窘東野長貧西華誰憫桑無

八百橘乏千頭厭厭君子橐筆遠游長子研經少未離
抱兒寒思溫兒饑索飽秋菘春韭赤米白鹽艱辛煩雜
惟母氏兼遙念征人關河迢遞黃耳書稀黑貂裘做歲
時伏臘屢勉求全親朋有事束帛棧棧盧諶之家能作
曼首蘊習酒食崔浩之母要其卓識督課三餘願子勤
學生有令譽不願廢學徒富積儲所以士行名成俄頃
河東仲郢關西韋逞皆賴母賢箕裘克整五經紛綸推
井大春追思慈訓母實勞辛寒泉輟流崦嵫失景長河
案戶秋梧落井旣天蒼舒又失亥師金匏嬌女繼賦哀
詞一之爲甚奈何并命悲纏母心一痛致病和緩難醫
已傷之性惟太孺人閨範無愆如何不弔遽赴重泉卜

其宅兆在今子年飄揚丹旆歸於新阡采此谿毛以薦
几筵尚饗

落帆樓文集補遺

沈子敦哀辭

烏程孫燮愈愚撰

庚子十一月十七日沈君子敦卒于京邸踰月訃至諸友會弔于其家憫其未有繼嗣中道夭折父老而無以爲養莫不仰天叫呼泣如雨下也君名珪子敦其字世居烏程之南潯鎮予于戊寅己卯間始交君時金君山甫館予家君與盛君眉庵紀君半虔間數日必來談藝談必竟日始去年纔二十許英姿卓犖議論常出人意外表予與山甫共推爲畏友然性坦率舉動多任情見客不數語輒搖頭作誦讀狀又好直言忤物自一二朋友外咸以迂愚目之君旣被迂愚之目則益自喜讀書愈

力經史子集罔不溯流探原而尤精輿地之學地理以
水道爲提綱書之所載千支萬派勢如亂絲讀者每苦
昏眩而不能遽解君獨一覽了然執筆爲圖往往與古
圖暗合著新疆私議謂國家開邊萬里常患饋餉難繼
省餉必須屯田屯田必講水利某山出某水某水經某
處灑灑數千言如指諸掌君友人王君亮生客京師愛
其文刊布之徐舍人松一見歎曰某謫戍新疆凡諸水
道皆所目擊然猶歷十年之久始知曲折沈君閉戶家
居獨從故紙中搜得之非具絕大識力曷克有此爲之
延譽公卿間會何侍郎凌漢視學浙江歲試湖郡校官
上諸生優行籍無君名侍郎卻之再上仍不列君名侍

郎乃言曰吾在京師聞湖州沈垚學識爲浙江第一而報優無名何也諸校官皆目上視茫然不知沈垚爲何人侍郎笑曰校官所講者時文也所急者贄禮也沈生不攻時文而贄薄宜校官之不識也遂拔君第一于是鄉人爭願識君向之目君爲迂愚者乃更以君爲奇傑時沈侍郎維矯督安徽學政聞君名以厚幣聘請校文明年科試何侍郎擢尙書去代者爲陳侍郎用光尤愛重君名仍第一甲午鄉試主司徐太史寶善得一卷詫爲奇絕以爲此必湖州沈垚也榜發非是愧甚乃修刺謁君子寓謝不敏焉主司出闈先謁舉子爲從來所未有是年君以優貢入都姚侍郎元之有地志之纂請君

主其事君遂館于姚氏侍郎旋督浙江學政君引嫌不從獨留京邸著書未幾侍郎晉總憲以言事降秩有欲請君校文者君曰主人方失意去枯而集苑吾不爲也自是修脯漸薄旅況愈窘君試南闈者六試北闈者四惟庚子一薦卷終不售君雖不遇而所憂常在天下嘗謂乾隆以來士務訓詁意欲矯明人空疏之病然明人講學尙知愛民今人博覽專爲謀利又曰士不好名而好利廉恥道喪害必中于國家著論于餘言與世常格格不相入在京師六年未嘗妄交一人姚總憲旣降秩何尙書陳侍郎及徐太史先後卽世沈侍郎以老病乞休惟徐舍人時時過從知己寥落恆鬱悒無聊遂邁疾

以卒年僅四十有三著有新疆私議漳北滄南諸水攷
元史西北地理志攷元和郡縣志補圖文數十首君之
交游眉庵最早卒君至京師前一年山甫卒甫戒行半
度又卒君雖窮困常從京師寄錢卹兩家之孤其風義
實今人所罕有予嘗爲眉庵作傳山甫半度之卒皆爲
哀辭致慨于天道無知善人常偏受其厄然三君皆有
子君獨斬焉無後厄更甚于三君豈君之才名稍顯故
折福愈甚然則士必埋名里巷不使一人知已而後可
嗚呼悲夫爰爲辭以哀之曰

繫造物之生材兮紛小大之不齊拱把尚有所用兮焉
有千尋之木而棄之彼大匠旣羣睨其旁兮曾不得邀

斤斧之施豈斧柯之不在手兮抑束于法而不能惟我
所欲爲惟科場之定制兮防姦竇而法日以密舍昭昭
之可見兮使索物于暗室掩騏驥之形而使辨其聲兮
雖九方亦有難識心知其賢而不舉兮當局乃作旁觀
之歎息之子之見賞于公卿兮謂科名可必得書十上
而終無所遇兮遂客死而不得返乎蓬華身不遇其猶
可兮獨惜此著書之年歲終日捉刀爲人兮曾不暇爲
已千秋之計歎飢驅之惟坐一貧兮竟不得獨行其志
念高堂之遠隔兮望白雲而隕涕妻獨守夫空房兮子
未生而遂絕其世早知年命之不永兮悔不忍餓于蓬
蒿之內旃蒙協洽之送別兮子偕眾友而登君之堂方

期不數年而重聚兮豈料遂判乎存亡自古才人恆失
職以死兮惟愚者乃富壽而康強足與翼之不能兼昇
兮君又何憾乎彼蒼酌靈筵而一慟兮仰視天之茫茫

落帆樓文集二十四卷補遺一卷同里沈垚撰垚字子
敦道光甲午優貢爲學使何文安公陳侍郎用光所賞
拔善讀書經史子集罔不溯流探源而尤精輿地之學
應試京師居最久爲徐蓮峯編修補修一統志爲姚伯
昂尙書撰道光九域志爲沈菴廬觀察修畿輔金石錄
遼金元碑考證書多未成留京師六年而卒年四十三
爲人沈篤慷爽嘗歎時事不可爲與友人書言今日風
氣備有元成時之阿諛大中時之輕薄明昌貞祐時之
苟且加以叔魚之賄孟孫之偷原伯魯之不說學蘇張
之不信古人有一於此卽不可終日今乃合成一時之
風俗一世之人心斯豈細故也噫子敦先生於道光時

已作此言况凌夷至今哉先生歿後靈石楊氏刻文集
三卷於連筠簞叢書貴池劉氏刻後集兩卷於聚學軒
叢書汪剛木先生取其叢殘各文編爲文集三卷後集
三卷外集十七卷別集一卷補遺一卷一字一句無所
遺佚承幹假自邢植之部郎爲蔣氏三松堂舊藏悉舉
以付削氏至是子敦先生之粹學剛木先生之苦心庶
幾無遺憾矣歲在戊午上元節吳興劉承幹跋